

I. N. J.

DISPUTATIO MEDICA INAUGURALIS

exhibens

HISTORIAM  
DE

RUPTURA  
LIENIS,

Quam

VOLENTE DEO

*Authoritate & Consensu Facultatis Medicæ*

IN PERANTIQUA GERANA

SUB PRÆSIDIO

VIRI Nobilissimi, Excellentissimi atq; Experientissimi,

DN. JOANNIS PHILIPPI  
EYSELII, MED. D.

Anatom. Chirurg. ac Botanices Prof. Publ. Ordinarii,  
Facult. Med. Assessoris gravissimi, P. L. C.

DN. PATRONI & PROMOTORIS SUI ÆTERNUM DEVENERANDI,  
PRO LICENTIA

Summos in Arte Medica HONORES, INSIGNIA ac PRIVILEGIA  
DOCTORALIA, more Majorum solenni ac legitime capeffendi

*Publicæ Eruditorum ventilationi submittit*

MICHAEL VANSELOW,

Stolpâ Pomeran. & Physicus Circuli Arnswaldensis,  
IN AULA COLLEGII MAJORIS

Ad diem 8. Septembr. Styl. Vet. Anno M. DC. XCVI.

---

ERFORDIÆ, Prelo MÜLLERIANO.



GENEROSISSIMIS, EXCELLENTISSIMIS,  
AMPLISSIMIS, NOBILISSIMIS, NEC NON  
DOCTISSIMIS DOMINIS,

DOMINIS  
DIRECTORI,  
Coeterisq;  
STATIBUS

CIRCULI ARNSWALDENSIS,  
DOMINIS PATRONIS AC PRO-  
MOTORIBUS SUIS SUMMO HONORIS  
AC OBSERVANTIAE CULTU  
PROSEQUENDIS

in Gratitude tesseram

Hanc

DISPUTATIONEM INAUGURALEM

dicat, dedicat & consecrat

A U T O R.





GENEROSISSIMI, EXCELLEN-  
TISSIMI, AMPLISSIMI, NOBILISSIMI,  
NEC NON DOCTISSIMI  
DOMINI,  
DOMINI PATRONI.



*Erè prudenterq̃ sapiens Roma-  
nus nominat ingratum, qui be-  
neficium se accepisse negat :  
Ingratum, qui dissimulat : In-  
gratum, qui non reddit : Ingra-  
tissimum, qui oblitus est. Non  
affero, quas ipsa dictitat natura,  
causas, Et expressit optimus Præceptor pessimi Ne-  
ronis. Illud publicè profiteor : à nota hominis in-  
gra-*



grati, (cujus nomen etiam abhorreo, in aliis detestor) nullam superesse mihi excusationis speciem, si vel dissimilem, vel negem, vel oblivione deterram collata vestra, EVERGETÆ, in me beneficia. Septennium effluxit cum munus mihi ordinarii vestri contuleritis Medici, quod adhuc gratò agnosco animò; sed nihil habeo, quò id remunerare queam; Hujus loco mea offero officia nocte dieq, promptissima paratissimaq. Et hac quoque causa, quare VOBIS VIRI GENEROSISSIMI, hanc meam Inauguralem inscripserim Disputationem, etiam atque etiam rogans, ut levidense hoc benevola accipere velitis manu, & me, ut hactenus, vestrò dignari pergatis favore. De ceterò DEUM immortalem implorando, ut Vos Vestrasq, Generosissimas & Nobilissimas Familias salvos & incolumes Nestoreos jubeat vivere annos, ex intimis cordis penetralibus precatur

HUMILLIMUS VESTER

MICHAEL VANSELOW.





## HISTORIA.



Nnus jam volvitur Octavus cum Annæburgi, oppido non procul à Wittenberga dissito, sectione fæminæ violentâ & subitanæ morte peremptæ interesset. Ea videbatur primum è læsionibus capitis extincta; nullibi enim nisi in hoc plagæ & vulnera reperiiebantur; Eodẽ tamẽ apertò, causa tam subitanæ mortis apparebat nulla; Hinc meritò reliqui inspiciendi erant ventres, licet nullibi ne quidem sugillationis vestigium compareret, præter quod abdomen insigniter turgeret; Hoc igitur, ut etiam de suspitione ingravidationis constaret, aperiebatur, & ecce totum sanguine extravasato, sed prorsus fluido scatebat, cujus extravasationis originem inquirendo, reperiiebatur Lien in multas partes totaliter disruptus & quasi laceratus, ut etiam transitus digitis ubivis pateret; nondum



tamen adeò gravis læsionis causa apparebat ibidem : Reliqua enim abdominis salva erant & prorsus illæsa; sed remotò sternò occurrebat costæ sexta sinistri lateris introrsum fracta, unde à forti percussione rupturam istam visceris vicini inductam esse, demum constabat. Eventus quidem insecutus ipsemet testabatur de lethali prorsus læsione interim tamen operæ me pretium facturum credidi, si in ejusmodi rupturas insolitas viscerum & præcipuè Lienis; à quibus nimirum causis oriri, quomodo dignosci, & utrū aliquando curari vel præaveri quocunq; modo possint, aliquantis perinquirem. Faxit DEUS feliciter!

## RESOLUTIO.

### §. I.

**P**Atet ultro, quod læsio præsens lienis ad Morbos unitatis solutæ vel solutionis in unitate pertineat; Erat enim Ruptura, divisio & dilaceratio visceris membranosi, spongiosi, fibrosi & glandulosi, eaqve ab objecto extrinseco & violento inducta.

Ea est conditio partium omnium mollium ab ossibus & cartilaginosis peculiaris, quod à rebus quibuscunqve distendentibus nimium aut contudentibus, si cedere iisdem amplius nequeunt, rumpantur, dilacerentur, duriora verò frangantur; Nec erat ruptura exigua



7  
gua aut fissura solum, sed dilaceratio in multas partes, tantos hiatus, ut duorum, imò trium digitorum transitum permitterent. Vidit *Tulpius L. 11. Obs. 29.* Lienem quoq; disruptum, sed tantum in concava ejusdem parte. In fœmina Lignizensi baculo extincta Lien ostendebat fissuras tantum in gibba; Et in alio Lüzensi in cava parte referente *Excell. Bohn. de Lethal. Pulner.*

## §. II.

Contingit ergo læsio tanta Lieni potissimum, organo, si ullum aliud, ad rupturas tales aptissimo, ut mirari sæpius subeat, quare non frequentius observentur à Medicis præter illas, quas videre licet apud *Tulpium L. 2. Obs. 29. Fontanum in Vesalii Epit. p. 21. & Excell. Bohnium in Lethal. Vuln. Exam.* Nec dubito similes etiam in Hepate Lieni quoad substantiam & texturam analogo, fieri interdum, licet hactenus nulla exempla audiverim, præter quod *Glossowius* aliquando in gibba quorundam jecinorum parte rimas & hiatus viderit uti meminit in *Anat. Hepat. Cap. XI.* Vesiculæ tamen felleæ rupturam observant *Salmuth. Cent. 1. Obs. 3. Bertinus L. 12. Cap. 14. Benivenius Cap. 110. & Frid. Hoffmann. Meth. Med. L. 1. cap. 20.* Reliqua autem viscera e. g. Ventriculum, intestina, vesicam urinariam &c. ab hoc periculo vindicat substantia magis membranosa musculosa, utpote quæ texturâ fibrarum solidiore, densiore, etiam fortissimis distensionibus & contractionibus sufficiunt, indeque motibus animalibus perpetuis vacant. Evenit certè non rarò, quod ventriculi & Diaphragmatis regio gravissimè percutiatur, adeò, ut etiam subito extingvantur læsi, uti videre licet apud *Schenck. L. 3. Obs. 128. Bohn. l. c.* nunquam tamen Ventriculi aut intestinorum ruptura fuit obser-



observata absq; præcedente erosione vel vulneratione, qualis contigit puellæ apud *Fernel. Barthol. L. 5. c. 9.* Neque exinde Vesicam urinariam à retenta urina vel etiam ictu facile rumpi posse credo, licet in vulgus perhibeatur. Judicant etiam periti, vesicam urina nimis distentam & in sublatione oneris gravioris, casu ab alto, vel contusione violenta diffringi & rumpi posse, sed deficient hæc exempla in hominibus notata: In bove quodam saginationi destinatò eandem disruptam esse scripsit *Ledelius ad Ephem. Collect.* Positò, quod præ in tempestivo pudore urinam diutius retineant, & sibi exitum accersant, id non statim rupturæ vesicæ adscribendum videtur.

### §. III.

Aliter res se habet cum partibus corporis tenerioribus, membranis, fibrilis & vasculis membranosis, quæ sæpius etiam levi injuriâ rumpuntur, indeq; etiam non semper cum vitæ periculo. Quoties rumpuntur peritonæum in herniis, ligamenta in prolapsu uteri, vel intestini recti, vasa lymphatica vel lactea in Hydrope, sanguinea in casu ab alto &c. De quibus exempla collecta vid. apud *Bonet. in Sepulchret.* Ipsam Venam Cavam in quodam, qui ex alto lapsus, ruptam refert *Jacobus Sylvius Observatorum* in variis corporibus secandis.

### §. IV.

Sed mirari etiam quis posset, cur viscus Lienis molle, fungosum & pendulum tam facile rumpatur, cur non potius ictui cesserit; nisi ejusdem structura, figura, situs & connexio accuratius respiciantur. Licet enim non sit viscus parenchymaticum è sanguine concreto & vasis tantum circumfuso generatum, uti Veteribus



bus videbatur, tamen propter texturam merè fibrosam, vesiculofam & glandulosam injuriis ejusmodi sufferendis nullò modò par esse apparebit. Constat certè totum Lienis corpus fibris & filamentis tenuissimis minus concavis, neqve ab arteriis, venis aut nervis, sed ipsa interiori tunica propagatis, identidem sibi per transversum & longitudinem occurrentibus mirè inter se instar retis complicatis & circa membranas quoq; bifurcatis, quæ à rupturis nullibi sunt immunes.

#### §. V.

His fibrillis cohærent & veluti apum favi interponuntur cellulæ membranosæ atq; tenuissimæ angulosæ, a tunica interiore visceris productæ & expansæ, indeq; ruptioni oppidò obnoxia, uti manifestè videre licet, quando injectâ per arterias aquâ, sanguis probè eluitur, dehinc ligatâ venâ per arteriam inflatur & exsiccat.

#### §. VI.

Quid dicam de arteriis & venis innumeris per membranas & vesiculas ubivis disseminatis & contextis: Triplici vel etiam quadruplici & pluribus ramis insignioribus Arteria ingreditur in homine Lienem, qui productis hinc inde surculis numerosissimis ad modum ferè caudæ eqvinæ partim intra tunicas visceris, partim intra glandulas mox notandas absumuntur & terminantur. Hos comitantur præterea tot tubuli Venarum in Liene præcæteris ampliores, quoad tunicam tamen ibidem simplicem tenues admodum: Notatu enim hic valdè dignum est, tunicam externam & crassiorem venarum propè ingressum Lienis statim in ipso limine abire in tunicam ejus internam, quæ vasorum involucrū efficit, altera interna & tenuiore ramificationibus solùm



relicta, Taceo nervos & vasa lymphatica in Liene exoriunda, de quibus quidem dubitarunt *Glissonius Anat. Hepat. Charleton Oecom. Animal. p. 191. Wartbonus in Adenograph. & alii*. Eadem tamen nunc evincunt satis autopsiæ in brutis, præcipuè quando canes per aliquot dies sola aquâ nutriuntur, dehinc suffocantur, & vasa sanguinea, circa Lienem citò ligantur, De quo uberius legatur *Frid. Ruysch de Vasis Lymphat. Diemerbroek Anat. cap. de Liene Sylvius Disput. Med. V. Bohn. Circul. Anat. p. 292. Riverius Disput. de Vita Agrest. sanitate.*

## §. VII.

Sed his omnibus vasculis præcipuè nervis forsan arctius cohæreret & ab injuriis ejusmodi extrinsecis se defenderet Lien, nisi circa eorum, præcipuè arteriolarum fines aspergerentur corpuscula nova, rara, laxa, fungosa & friabilia, quæ Veteribus etiam propter mollietatem & friabilitatem sub specie sanguinis congrumati imponebant; Glandulæ nimirum conglomeratæ & vesiculares per uniuersam visceris compagem dispersæ, & uvæ quasi botrum æmulantes, prout easdem primum observavit *Curiosissimus Malpighius de structura Viscerum & Wartbonus in Adenograph.* Nunc verò cuivis Anatomico faciliè patent, non solum in corporibus morbois ex obstructionibus Lienis defunctis, sed etiam in belluis, canibus, ovibus, bovis, sola visceris dilaceratione, vel quod curiosius artificiosa prius elutione. *Conferatur Excell. Bohn. in Circul. Anat. & Blancard. in Anat. Reform.*

## §. VIII.

Eum propterea in finem Conditoris sapientissimi solertia viscus tam nobile & fragile tamen prospexit insuper



super duplici membranâ; Exteriore latis validâ à peritonæo propagatâ, quæ veluti marsupio communiter totum viscus comprehendit; Et interiore longè tenuiore & rarâ, quæ etiam aërem per vasa inspiratum facile transmittit, imò ab eodem rumpitur; multò minus ullo modò resistere poterat ictui, modò extrinseca membrana gravius fuerit læsa.

### §. IX.

His accedit figura Lienis oblonga, interius sima, exterius verò quâ costas spectat gibbosa, & in Homine in primis secus ac in ullo alio animali, crassa, oblonga & rara. Hinc graviter percussa parte gibbosa, non potest, quin à parte concava recedat & cedendo nimium propter figuram oblongam graciliorem transversim potissimum rumpatur, uti in nostrâ observavimus; si figuram obtinuisset undiq; rotundam, felicius proculdubio percussionebus resistere valeret.

### §. X.

Eò prætera locò situs est Lien ut injuriis ejusmodi externis resistere haud queat, hæret enim in Hypochondrio sinistro immediatè sub costis, ibidemq; quoad partem gibbosam cohæret diaphragmati & reni sinistro, quoad concavam omento & Ventriculo; Ex quo fieri nequit, quin percussis, imò fractis in ea regione costis viscus subjacens, & propter connexionem cedere nesciens, graviter lædatur, quod æque forsan pulmonibus, Ventriculo, contingeret, si eodem modò cohærent, percussis sæpius eorum regionibus; de quibus tamen nullibi inter tot observationes reperire hætenus licuit exemplum.



## §. XI.

Gravissima autem facta hic erat percussio, adeò, ut etiam costa sexta prorsus fracta videretur, eaque securi, (utrum verò acuta vel obtusa ejusdem parte, propter absentiam latronis ignoratur) utraque tamen parte fieri potuit contusio tanta, ut primum costa & de hinc subjacens viscus oblongum, laxum, & friabile diffringerentur. Sic Adolescens ille quatuordecimanorum *apud Tulpium* tantum per jocum & inter ludicra puerilia ab alio procul dubio puero minus robusto scipione fuit percussus, nihilosecius cum lethali Lienis ruptura; Et *Maritus* ille *Lignizensis*, cujus meminit *Excell. Bobn. de Vulner. Lethal.* tantum baculo mediocri uxoris Hypochondrium sinistrum percusserat, quæ tamen post horulam extinguebatur. Ita enim evenire necesse est, ut corpora quæcunque etiam duriora si fortiter percutiantur, & resistere vel cedere ad minimum nequeant, frangantur, uti in fracturis Cranii, erurum, aliisque totò die observatur.

## §. XII.

Eandem rupturam adjuvare potuit turgescencia visceris à sanguine & spiritibus. Erat enim occisa aliàs mediæ ætatis plethorica & virago, in qua Lienem propter infinita vascula sanguinea & compagem cellularum sanguine arterioso & spirituosio turgescere oportuit, idque præcipuè post cœnam & inter dormiendum, tempore digestionis universalis, quò percussor miseram nostram trucidaverat: Patet ejusmodi turgescencia evidentissimè, quando canibus ligatis licet arteriis & venis Lien extirpatur & san-



sanguis cum admiratione erumpit floridus ac spirituosissimus.

### §. XIII.

In aliis subjectis casu occurrere potest tumor ipsius visceris obstructionibus & flatibus in vesiculis collectis & inclusis; Quando nimirum Lienem duriores, scirrhum, vel flatibus solum turgidum inclementius comprimi contigerit, idemque sive propter duritiem, sive solum flatibus incarceratos cedere nullatenus queat, necessum est ut per se & propter flatibus compressos dirumpatur, ubicunque flatibus erumpendi spatium datur. Docent id hodie experimenta physica, ubi aer arctius quam par est, corporibus etiam solidissimis inclusus & incarceratus, eadem tamen beneficio elasticitatis suae rumpit & diffringit, quandocunque erumpendi ansa datur, qualia plurima vid. in colleg. *Experim. Excell. D. D. Vateri* e. g. quando hoc modo rumpuntur saepius vitra  $\nabla$  repleta, marmora aliaque quando superveniente frigore pori liquorum condensantur & aer arctius includitur: Quando vitra anaclastica ab incluso aere in pulverem minutissimum rediguntur, si fracta solum extremitate aeris exitus datur. Ex quo fundamento *Nicolaus Letterus Oenopola Amstelodamensis* vitra plurima sola voce sonora rumpere norat, de quo legatur *Morboffius* de scypho vitreo per sonum fracto.

### §. XIV.

Et hanc eruptionem conglomerati aeris praecipuam causam esse dixerim, quod percussus licet extrinsecus Lien, non tamen in parte gibbosa, sed summa potissimum & frequentius rumpatur, uti contigit



puero illi & textori apud *Tulpium* ; Illique cujus mentionem ante è *Bohnio* fecimus, quando extrinsecus percutitur Hypochondrium, necessario subjacens commovetur aër fortius ad interiora, maximè autem visceri ipsi inclusus, idque quando inter tot anfractus exitum tam subito invenire nequit, quam facillimè interiora dilacerat.

## §. XV.

Ex his omnibus verò cuivis satis patere arbitror, quam ridenda, imò prorsus detestanda fuerit cura, Empyrici cujusdam apud *Hieronym. ab Aquapendent. Operat. Chirurg.* qui Lienes à scirrho induratos malleo percuti jussit; quam tamen Eques quidem Melitensis, referente *Boneto in Sepulchret. L. 3. 5. 17. obs. 18.* passus est hōc modō institutam : Extensō nimirum ægrō in mensā chartāque mundā Lieni appositā securis aptabatur subtilissimā acie prædita, quæ totis viribus bis terve percutiebatur, quousque abiectu dolor maximus percipiebatur, & chartā illæsā permanente scirrhus in duas partes diffissus, tactu percipiebatur : Quam etiam *Hercules Saxonia Praelect. Pract. p. 2. cap. 28.* celebravit, sed meliori jure exploserunt *Cardanus L. 8. de varietate rerum cap. 44. Massar. L. 3. Pract. c. 17. & Riolanus L. 2. Encbirid. Anatom. c. 26.* Quantō enim fragilius durum est molli, tantō facilius hāc ratione dilacerabitur Lien scirrhusus, aliàs per naturam friabilis, cum fatali prorsus eventu, quem à Medico causari impium & damnosum est.

## §. XVI.

Sed notatu valdè dignum, quod regio Hypochondrii sinistri in nostra occisa, licet tam graviter percussa,

ut



ut costa subjacens frangeretur, quoad integumenta prorsus tamen illæsa manserit, quale quidem etiam *Tulpius & Fallopius* observarunt locis citatis: Procul dubio, quia cutis & muscoli meris fibris mirificè contextis & glutine quôdam irrigatis constant, quæ ubivis cedere ac recedere possunt, secus ac viscera ejusmodi fungosa, friabilia; Unde etiam Pulmones, Ventriculum, intestina, uterus, &c. licet eodem modô graviter percutiantur sæpius, nunquam autem disrumpi antea observavimus.

### §. XVII.

Sed magis, adhuc mirum quod ab ictu tantô & quidem securi factô nullum vestigium, ne quidem sugillatio, vel flavedo apparuerit: Hujus autem causa, apparebat abdomine sceminæ apertô, quod totum sanguine fluido repletum reperiiebatur: Quoniam enim ruptis in Liene vasis sanguineis majoribus sanguis confertim effluxit in cavitatem abdominis, necessario sanguis etiam intercutaneus eò omnis fuit derivatus, ut in poris cutis, quamvis graviter contusis restitare ne quicquam potuerit; quod tamen in sugillationibus vel vexationibus fieri possit, tam notum, quam quod notissimum.

### §. XVIII.

Quod autem sanguis iste copiosus in abdomine reperiendus, tam fluidus nec grumofus fuerit, id copię potissimum lymphæ, quam ruptis simul tot vasis lymphaticis Lienis & vicinarum partium extravasari necessum fuit,tribuendum arbitror. Erat aliàs plethorica vel potius phlegmatica, uti post mortem videbatur.

Cui



Cui accedit, quod sanguis è Liene vulnerato erumpens communiter dilutior reperiatur, non quod scorix ibidem melancholicæ sanguineæ secernantur, ( nullus enim locus ibidem secretionis vel collectionis reperiatur) sed quod spiritibus animalibus per nervos copiosissimos eò corrivatis, largissimè perfundatur & resolvatur.

§. XIX.

Atque larga hæc optimi & spirituosissimi sanguinis extravasatio etiam causa mortis præcipua fuit. Consistit nempe vita nostra fundamentaliter & radicaliter in sanguine, unde unicè & proximè aura seu spiritus vitalis, author & director omnium motionum vitalium restituitur & redintegratur continuo: Hòc igitur ceu fonte destructò vel sublatò, tollitur necessariò omnis vita; & absquè hoc pabulo & fomite ne momentum quidem durare potest flammula vitalis. Refert *Bonetus in Sepulch. p. 1626.* quod in Italia verberibus ad necem usque cædantur quidam, quos quartâ demum die & absque notis mortis extrinsecis perire volunt nefarii; idque sequi. modò: Utuntur, inquit, sacculis in tucetorum aut hillarum formam effictis, arena refertis, quibus in numerum artus & truncum repetitis ictibus feriunt, certo dimenso, eò modò exceptus vix dolorem aliquem percipit, sed liberatus, lassitudinis sensum percipit, eaque die & postera *οὐδὲν αἰσίων* est, tertia fit Clinicus & quarta extinguitur: Quod si fiat, procul dubio sanguinis extravasationi tribuendum venit, quando crebris ejusmodi ictibus instrumentò elasticò inductis, non tam cutis, quam viscerum interiorum venulæ rumpuntur, indeque sanguinis circulus prorsus turbatur. Novi quidem, quod graviores Regionis Epigastricæ & Hypo-



Hypochondriorum percussiones etiam citra rupturam aliquam vel hæmorrhagiam mortem intulerint subitanæ, quatenus vehementi concussione septum nervosum & nervi Hypochondriorum compressi & irritati in spasmos rediguntur, per quos Respiratio subito intercipitur, & si aliquantisper durat, hominem è vivis tollit, uti videre est apud *Bohn. de Lethal. Vulner.* Ejusdem tamen mortis in nostra nullum reperire potuimus indicium.

§. XX.

Sed nunc etiam disquirendum erat, quibus signis ejusmodi ruptura Lienis, etiam si non semper adeo enormis, & in vivis adhuc cognosci possit, ut Cura, si quæ locum habeat, eò citius & tutius administrari queat: Ea verò, uti in aliis si non infallibiliter, satis tamen probabiliter colligi poterunt ex Antecedentibus, Concomitantibus & consequentibus: Requiritur sanè ad rupturam gravis aliqua contusio vel percussio quocunque etiam instrumento & in ipsa regione Lienis; Cujus deinde suspicionem auget, si latere minus vestito & aperto, vel etiam inclinato ictus recipitur, tanto enim gravius viscus tum lædi necesse est: Ita Lienem in ipsa inspiratione hominis percussum eò magis rumpi credo, quò magis tum temporis exteriora versus adigitur, & spiritibus turget. Si læsus adhuc vitæ & sensibus gaudeat, indicabit insignem dolorem intimius à plaga perceptum: Et subsequenter statim virium lapsus, animi deliquia, sensus gravativus in inguinibus, fluctuatio sanguinis effusi, & quæ plura alia à Medico perito oppidò discernenda.

§. XXI.

Disquisitione potius dignum, utrum vulnera ejusmodi



modi Lienis lethalia eaq; simpliciter & absolutè talia sint? Negativam suadere possem, quod viscere hóc tanquam ignobiliori & ad vitam minus necessario, animal facile carere possit. Vidi aliquoties extirpationes Lienis ab *Excell. D. Vatero* Præceptore meo æternum colendó, in canibus felicissimè institutas, cujus & ego plus vice simplici experimenta feci absque jactura virium vel actionum quarumcunque, præter quod communiter alvus in iis non ritè succederet & excrementa sæpius pultacea, albescentia excernerent; proculdubio propter bilis inertiam quam in Liene potissimum præparari & in Hepate tantum lecerni jam tùm indicarunt *Malpighius, Glissonius, Bohnius & alii*; Et nos in canibus istis pallidam semper & aquosam deprehendimus. Talem excisionem Lienis etiam in homine succedere posse salva vita, præter Veteres, *Plinium Histor. Natur. L. 11. c. 37. Paracels. T. 3. part. 9. Leonbard. Fiorovantam, Rousssetum & alios* etiam Recentiores perhibent, uti videre licet in *Ephem. Germ. Ann. 3. obs. 195. & ex iis apud Bonet. in Med. Septentr. P. 1. L. 3. Sect. 20. c. 12. it. P. 2. p. 489*; Quorum tamen fidem suspectam reddere conatur *Diemerbroeckius, Highmorus, Conringius, Knoblochius & alii*, objicientes, nobilissimum visceris hujus usum, copiosissima & insignia vasa sanguinea, lymphatica, nervorum plexus, situm profundum, & arctiorem cum vicinis partibus connexionem.

## §. XXII.

Nos uti extirpationem talem in Homine summè quidem periculosam & minus tutam esse concedimus facile, ita tamen non absolutè impossibilem judicamus, non tam exemplis, quàm rationibus persuasi; Eundem enim



enim in brutis nobilissimum utrum, eadem vasa sanguinea, lymphatica & nervosa, easdemque ferè connexiones Lien habet, quem tamen nihilofecius iisdem eximi sine vitæ excidio posse, nullum amplius dubium; Propterea autem ab excisione eâque artificiali & providâ ad rupturam ejusmodi fortuitam & profundam non licebit concludere. Ibidem antecedunt curiosissimæ vasorum ligaturæ, separationes circumspectæ, aliæque cautelæ, quæ in rupturisejusmodi profundis nullô modo locum invenire queunt, indeque citra omne dubium pro simpliciter & absolutè lethalibus reputanda. Non apparet, quomodo eô casu sanguinis extravasatio tam subitanea impediri, vulnus consolidari, aut vasa solùm ligari, aliaque funesta symptomata præcaveri possint; Casu vulnerans Lienem, non præmeditatur certè ligaturam vasorum præparatoriam, neque ab adstantibus ipsis Chirurgis præstari poterit. Ideò omnium vasorum & ramorum sanguineorum eximiorum, Arteriæ magnæ, venæ cavæ, venæ portæ ipsarumque ramorum, Splenici, Hepatici, Mesenterici, Coeliacorum, Iliacorum, Emulgentium & similium vulnera simpliciter & absolutè lethalia sunt; cum vasa hæc ima corporis occupent, ac profluentem proinde ex ipsorum vulnere sanguinem inhibere nec artis, nec manus dexteritas, nec doctum sufficiat consilium: Multò magis si ejusmodi vasa in ipsis visceribus simul vulnerantur. Nullibi *Galenus* vel alii aliàs Curiosi Observatores abscissum vel solùm graviter sauciatum Hepatis lobum sanatum fuisse docent: Ille qui jaculô immisso vulnerabatur, prius quam concio dimitteretur, vel ubi forum adhuc frequens erat moriebatur apud *Hippocratem* 5.



*Epidem. Tb. 6r.* Portiuncula procul dubio minima Hepatis fuit abscissa, quam feliciter sanatam observavit *Fabr. Hildanus in Helvetia*, qui tamen paulo post febre continuâ correptus interiit; Ubi verò jecinoris, Portæ i. e. Vasa majora percussa sunt, impossibile est ægrum servari posse, cum sanguis ob loci incommoditatem nec sisti, nec vulnus ob læsionum complicationem tractari queat debite, nihilque propterea resistat, quàm ut præter remedia applicandi impossibilitatem, vomitus ac dejectiones cruentas, deperditis cum sanguine viribus, ipsa brevi expiret anima, uti loquitur *Latinus Hippocrates Celsus*. Idem prorsus judicium erit de vulneribus Lienis, Hepati quoad substantiam, structuram & functiones prorsus analogi, cujus quidem rariores extant observationes.

### §. XXIII.

Dixi verò notanter, quod præsens Lienis ruptura propter vasorum sanguineorum & his continuatarum cellularum læsionem, indeque funestas & incompefcibiles hæmorrhagias æque ac in Hepate & aliis visceribus simpliciter & absolute lethalis fuerit; Aliàs nullum est dubium, quod etiam hujus visceris vulnera interdum solum per æccidens vel ut plurimum lethalia aut solum insanabilia sint; Fieri enim potest, ut Lien solum superficietenus citra vasorum vel vesicularum majorum læsiones vulneretur, ubi certè non semper vitam periclitari constat; quale forsan illud Lienis vulnus in Milite fuit, quod tam feliciter curabat *Carpus*, cujus curandi rationem quoque exposuit *Forestus L. 6. Observat. Chirurg. Obs. 6.* Hâc ratione etiam Hepatis portiunculam prorsus abscissam sanatam fuisse observavimus antea, unde non



non ineptè Glissonius Anat. Hepat. c. 9. *Vulnera*, inquit, *sic-  
sim instigantur, vix fieri potest, quin vasa ledantur; sin pun-  
ctim fiant, poterunt vasa fortuito evadere*: Sunt quidem  
necessario vulnera illa mortifera, maximè quæ vasa pa-  
riter & parenchyma (potius vesiculas) discindunt, illa  
tamen periculô quoque haud carent, à quibus paren-  
chyma solùm læditur, sanguis enim ad ea loca affluens  
impurus est & bili commixtus, nec facile evacuari pot-  
est; Vel si id contingat, partes tamen ab invicem dis-  
junctæ, (friabiles cum sint, glutineque illô careant,  
quô aliæ partes denuò facile coalescunt) ægrè admo-  
dum consolidantur. Omnes ergo contusiones, ruptu-  
ræ & vulnera Lienis uti & Hepatis viscerum analogo-  
rum sunt periculosa plus minus, vel lethalia prorsus,  
quale nostrum fuit.

#### §. XXIV.

Pro diversitate harum circumstantiarum etiam e-  
ventus erit varius. Si nudæ contusiones absque ruptu-  
ra vasculi vel vesiculæ sanguinis & reliquorum humo-  
rum transitus erit difficilior, vel prorsus impeditus,  
unde necessario stagnatio sanguinis, inflammatio, Fe-  
bris, ejusdem symptomata præcipuè tussis & Vomitus;  
vel si longius protrahitur, erosio vesicularum à stagnan-  
te sero & sanguine indeque ulceratio sequuntur, & spes  
omnis conclamata: Sin verò contingat ut in subjectis  
Phlegmaticis, Melancholicis glandulæ magis compri-  
mantur etiam citra inflammationem, restitabit serum &  
sanguis, unde viscus successivè indurefcit, & nisi resol-  
vatur prudenter, in Cachexiam, Atrophiam, & Hydro-  
pem incurabilem definit. Ubi simul tunicæ & vascula  
exiliora læduntur, sanguis & lymphæ necessario exstil-



lant, & nisi Artis naturæque ope consolidetur statim vulnus, non solum visceris ipsius, sed etiam vicinarum partium, imò inguinum, quò decumbit ichor putrescens, corruptionem insanabilem, & ex hac oriunda symptomata innumera relinquunt; Ruptis verò vasorum propaginibus insignioribus non potest non, quin sanguis ubivis confertim erumpat, atque subactis adeò omnibus spiritibus inter Lipothymias subito extingatur læsus, uti miseræ nostræ contigisse observavimus.

## §. XXV.

His omnibus suppositis & cognitis judicare quoque facile erit de tempore eventus. In simpliciter lethali-  
bus enim vita communiter vix ad aliquot horas conservari potest, rarius aliquot dies supervivunt, quod tamen non impossibile si forsan vulneris labia angustiora sint, aut casu, vel quocunque adminiculo subsideant, & extravasatio sanguinis aliquantisper supprimatur. Ita vulnera ipsius cordis ventriculos penetrantia nihilo secius vitam aliquamdiu superstitem esse sinunt. *Tulpius Obs. L. II. c. 8.* habet exemplum occisi cujusdam, qui biduum vixit post evidens vulnus inflictum cordi, diaphragmati, ventriculo & Hepati: *Bonetus* quendam, cui quaternis ex bombardis globulis quidam medium Cor trajece-  
rat, ad quintum diem supervixisse vidit, uti refert in *Se-  
pulchret. p. 1609.* Alium, cui cordis ventriculus dexter cultro transfossus, non solum ex suburbio pedibus domum, sed etiam per quinque dies vixisse refert *Thom. Bartholinus Histor. 77. Cent. 1.* Sed quod magis mireris: Alios æque gravissimè vulnerato & lacerato corde ad septimum, nonum, imò decimum septimum diem protraxisse testatur *Bonet l. c.* Cum tamen creditum aliàs sem-



semper fuerit, non posse quenquam vulneratis cordis  
ventriculis ad unius horulæ momentum vitam produ-  
cere, quod etiam absolutæ veritatis esset, nisi sangvi-  
nis, tanquam vitæ fontis, effusio quocunq; adminicu-  
lo interdum coërceretur; Sed in istis exemplis modò  
angustia vel obliquitas vulneris, modò pericardium ad-  
hærens, modò grumi sanguinis interpositi, modò alia  
moram quandam ejusdem fecerunt, uti ex observatio-  
nibus istis colligere licet. Idem fieri potest circa Lienis  
vulnera licet absolutè lethalia. Cor quidem vulneratum  
propter musculosam substantiam promptius ac Lien se  
contrahere, sed è contrario continuis etiam motibus pe-  
ristalticis vulnus rursus dilatare potest. Reliquæ verò  
minus lethales læsiones non habent certos terminos, sed  
pro diversitate vulnerum & symptomatum complica-  
torum modò citius, modò tardius terminantur.

#### §. XXVI.

Progredimur igitur ad curam, si quæ locum in a-  
liis invenire possit, legitimè & ex Artis fundamentis ad-  
ministrandam. Hæc enim requirunt, ut contusio vel  
ruptura quantum fieri potest citò consolidetur, sanguis  
jam tum extravasatus ritè evacuetur, stagnans in viscere  
resolvatur, extravasatio ulterior aliaque symptomata  
graviora impediantur & vires conserventur; Id quo-  
modo & quibus è tribus fontibus petitis remediis impe-  
trari possit & debeat, nunc videbimus.

#### §. XXVII.

Quoniam verò affectus noster ad solutiones conti-  
nui & vulnera spectat, prima & præcipua remedia sup-  
peditabit etiam Chirurgia & inter ea Venæ sectionem  
remedium omnino generosissimum & efficacissimum



na. Quoniam verò hæc latissimè patent, & sub se non solum adstringentia, sed etiam sanguinis balsamum restituentia, grumescentiæ ejusdem & putredini resistentia comprehendunt. Præ reliquis omnibus primum opus est adstringentibus, sive terreis, sive balsamicis, mucilaginosi, austeris, acidis, opiatiss, vel ex his mixtis, quibus vascula læsa citò constringantur, contrahantur & sanguis ipse inspissetur quodammodò, ne tantò impetu ad partem affectam ruere queat, quousque vulnera seu rupturæ coalescant. Præstabunt id, (nisi læsio prorsus incurabilis fuerit) feliciter satis è vegetabilibus: *Radices* Tormentillæ, Bistortæ, Symphiti, Aristolochiæ rotundæ, *Herba* Millefolii, Alchimillæ, Sanniculæ, Ulmariae, Vincæ per vincæ, Bursæ Pastoris, Hederæ Terrestris, Fol. Quercus, Myrti, *Flores* Hyperici, Rosarum, Papav. erratici. *Succi*, *Resina* & *Gummata selectiora*, Thus, Mastiche, sanguis draconis, Tragacanthum, Opium. *Ex animalibus* C.C. ustum, Spodium, albumen ovi in sole exsiccatum. Et tandem è Mineralibus, Lapis Hæmatitis, Bolus armena, Terra sigillata, Catechu, Crocus Martis adstringens, Terra vitrioli dulcis ac tandem pulvis teredinum, qui nunquam me fefellit. O, sarcocolla &c. è quibus jam tum composita egregia extant e.g. Pulveres Styptici, Anodynæ, stegnoticus Guttmani, sperniola Crollii, Tragæa, Granorum Actes, Essentiæ vulnerariæ, Liquores styptici & similia; Vel pro lubitu & circumstantiis ex tempore nova parari possunt, *Dolæus in Encyclopædia Chirurgica p. 760.* commendat mirificè Tincturam suam stypticam ex Oleo Martis, Tinctura Catechu, Anodyna & Spiritu Vini, quem videre licet.



## §. XXXI.

Quod si vulnus simul extrinsecum ad Lienem usque pertingat, effectum istorum remediorum internorum feliciorum reddere poterunt extrinsecus applicata styptica: Commendantur valde à recentioribus Practicis Spiritus Vini in quibuscunque hæmorrhagiis sistendis, si vulnere per siphonem injectus, vel quocunque modò applicatus; procul dubiò, quia sanguini immediatè applicatus partes ejus serosas digerendo magis excoquit quasi & inspissat non solum, sed etiam fibras vasorum exsiccat & constringit; Gaudet enim partibus Salino-sulphureis vel balsamicis cum energia exsiccantibus; unde etiam non tantum phlegmaticum, quàm rectificatissimum spiritum eumque camphoratum eligendum esse judico, in moderata vel parca tam quantitate adhibendum, ne copiâ suâ totam massam sanguinis vel spirituum in fervorem redigat. Ex eodem fundamentò spiritus Terebinthinæ sanguini emisso recenti permixtus, eundem in momento quasi coagulat, sine separatione feri, non ut ab acidis fieri solet in grumum friabilem, d. tenacem ac gummosam ferè massam; secedente paulo post ac supernatante fluido illo Oleoso propè omni: Aliàs etiam decocta è plantis vulnerariis & balsamicis, è Rad. consolidæ, Tormentillæ, Angelicæ, Bursæ Pastoris, Floribus Hyperici, Mastiche, Myrrhâ, Aloe & Melle rosato, &c. pro injectionibus tepidis sufficere poterunt, uti in vulneribus Thoracis aliisque solenne. Blanckardus in Chirurgia etiam commendat calcem Vivam extrinsecus applicatam tanquam insigne Euporiston ad sistendum sanguinem &



bent, concentrant & stabiliunt, quô fine ferè sufficiunt pulveres styptici, absorbentes, Bezoardici cum aquis, emulsionibus, conservis aliisque vehiculis temperatioribus propinati.

### §. XXXVII.

Alvi suppressio ne inflammationes vel stagnationes sanguinis augeat, corrigitur prudenter Clysteribus emollientibus & abstergentibus; quos propterea omnibus vulneratis seriò commendat *Langius Miscell. Curiosor.* Omissis præterea omnibus purgantibus & irritantibus ne ullô modô sanguinis dissolutio & commotio concitari possit. Pari ratione etiam reliquis symptomatibus pro diversitate læsionum, Temperamentorum, Ætatum, aliarumque circumstantiarum satisfaciendum.

### §. XXXVIII.

Restaret ergo solùm Diætæ regimen proluxius adhuc persequendum, nisi idem aliis vulneribus quoque esset commune. His enim præcipuè profundioribus, omnem aërem frigidum & intense calidum, spiritum generosum & calidiorem, cibos acidos, acres, salios pingues, Animi pathemata graviora & similia nocere, notum est, quàm quod notissimum. Ideoque filum abrupimus, & DEO pro concessis largiter viribus grates decernimus immortales.

COR-





## CORROLARIA.

### I.

**A**eris portio subtilior sanguini communi-  
catur, quia colorem acquirit alium san-  
guis in vena pulmonali.

### II.

Aer non refrigerat; sed calefacit, hinc quò ma-  
jor est inspiratio, uti in motu & exercitio,  
eò major adest calor.

### III.

Pus non oritur ex præcipitatione sanguinis be-  
neficio acidi & alcali facta, sed nihil ali-  
ud est, quam succus nutritius oleosus, ab  
acido ulceris fermento corruptus & albo  
imbutus colore, non secus ac oleum oli-  
varum cum aceto vel solutione lithargy-  
rii mixtum ac conquassatum album eva-  
dit.

### IV.



#### IV.

Adstringentia & styptica, motumque sanguinis retardantia intempestivè adhibita, non raro in ingens periculum ægros præcipitant & hæmorrhagiam largiorem efficiunt.

#### V.

Venæ sectio in Febris malignis utilis est.

#### VI.

Quando sanguis abundat, & majus spatium affectat, si ordinariæ ejus evacuationes sunt suppressæ, si vires præsentibus sunt, & atrocissimus dolor, ad partem dolentem affluxus, Venæ sectio sacra est anchora.

